

聚學軒叢書

鐵橋金石跋卷四

聚學軒叢書第三集

烏程嚴可均撰

貴池劉世珩校刊

宋

濟州廳壁記

建隆四年八月一日

右碑山左金石志及訪碑錄皆云已佚余屢見新拓本則碑尙在鉅野未嘗佚也碑陰刻蓮華漏記圖式具備與余所見廣州雙門邸之南漢銅漏形製不同今鐘表盛行而刻漏希少此碑足爲攷古之助阮氏得明拓本其碑陰缺廿許字新拓卻完善可喜

開福寺佛塔鐵柱文

淳化元年

右鐵柱發願文并陀羅尼真言進士董護書淳化元年

鐫在長沙北門外鐵佛寺門東佛塔中寺舊名開福其塔以鐵柱爲心柱高五六丈圍二尺許其字皆陰文徑寸餘凡十四段段五六行不等鐫手甚精鐵不生繡嘉慶壬申歲二月余親至塔中觀之天晚不及手拓同鄉沈三隨父宦楚藏有舊拓本出以贈余余收輯金石多矣鐫鐵工緻必此爲最

重修北嶽安天王廟碑

淳化二年八月九日

碑立于淳化二年八月先是契丹入寇詣北嶽廟卜之不吉遂縱火焚廟至是節度都部署張訓始修葺之宋史太宗紀端拱元年九月以侍衛馬軍都指揮使李繼隆爲定州都部署閱三年而是碑立則張訓卽代其任

者史不見其人

說性亭銘 淳化二年十月二十日

右碑淳化二年立申革撰并篆書在陽穀諸家未入錄
嘉慶丙寅縣令臺士什始按得之碑題盧縣說性亭銘
考盧縣本漢舊縣前志屬太山郡續志屬濟北國宋隋
志屬濟北郡唐志元和郡縣志太平寰宇記屬鄆州東
平郡而宋志無此縣徧稽史乘不知何年併省疑在眞
宗朝以河患徙州縣時也水經注河水又東北徑碭礮
城元和郡縣志濟州理碭礮城州卽盧縣寰宇記碭礮
津在縣北一里又言盧城在長清縣南五十里其時長
清尙未徙刺榆碑得于陽穀縣東北四十里正廢治也

蓋陽穀長清與舊東阿分有其地一統志通志以盧縣
專屬長清當據碑正之申革爲盧縣令方志失載亦當
據碑補之碑篆學李少溫得其神似惟西逼深泉說文
無逼字書家固不拘也

說文偏旁字原并自序及郭忠恕荅書

咸平二年十二月

右夢英書說文部首五百四十字用李陽冰刊定本與
今所行徐鉉本不同陽冰本失傳羣書引見纔數十百
條賴夢英此碑尙得見其厓略皿下少、部子下多子
部細思無、則主杏二篆何所從蓋陽冰歸入一部或
一、部耳上從一一而偏旁上作二是、可一可一徐本
、承皿皿中之一卽、則陽冰少、部未可厚非其部

次互異如倉會倉人徐作倉人會倉如爾爾市帛白徐
作市帛白爾爾如北北徐作北北如重裘老毛毳尸尺
尾臥身帛衣履徐作重臥身帛衣裘老毛毳尸尺尾履
如勺苟包徐作勺包苟平心而論實可兩通卽如繫傳
部敘亦與鉉異鉉卷首新目又與第十五篇原目異安
知陽冰非仍許君之舊乎其篆體互異如豐作豐從咄
在豆上九經字樣引說文如此元作元弓作弓巴作巴
繫傳引陽冰本如此至畢氏關中金石記所譏費禹畧
勿瓦等字用筆小變實皆六書之正至謂苟作苟驗碑
本苟從个不從艸葛英恐不受誣畢氏又詆聲音陌包
反謂誤以聲爲釐字按宋版徐本及毛刻初邱聲莫交

切麓里之切陌包卽莫交是蕩英與徐本同畢氏又詆
留音方九反謂誤以由爲缶字按繫傳引陽冰言說文
無由字缶卽由字而陽冰篆碑偏旁由缶由爲一字蕩
英千文碑宙亦作宙是方九之音爲墨守陽冰之過若
畢氏所未舉者率爲背呂而釋爲乖由亦自字而音蒲
革實皆差謬蕩英自負小學而未深造然不可謂非好
古者且係陽冰本亦僅見也

汾陰配饗銘

大中祥符四年二月

碑凡五石字徑三寸眞宗御製御書宋史本紀祥符四
年二月辛酉祀后土地祇壬戌作汾陰配饗銘卽此碑
也楷法端凝宋代無出其右書史會要稱眞宗善書得

晉人風度觀此碑及龍門銘良然

泰寧宮牒

大中祥符四年三月

右牒元人摹刻其碑右方刻金正隆四年喬逢辰記左
方刻至正十三年王璞記而牒在上方宋史眞宗紀祥
符四年二月辛酉祀后土地祇是夜幸開元寺作大寧
宮辛酉二月十六日也碑作三月蓋命下逾月而牒始
發

玄聖文宣王贊並加號詔

大中祥符五年十一月

碑在西安府學以宋史校之詳略互見碑云給近便五
戶以奉瑩域史作十戶碑云詔吏部尙書張齊賢等次
日以太牢致祭史但作遣官祭以太牢石刻之有裨史

學如此

虎丘山題名三種

起天聖元年二月止入年八月

右題名三種在虎丘劍池北凡張希顏已下十八人莫攷者過半范成大吳郡志慶厯閒有尙書考功郎中邵飾爲吳郡守又云章岷字伯鎮嘗爲平江軍推官有文聲范文正公有和章從事鬪茶歌及同登承天寺竹閣詩是刻有推官章岷知長州縣事邵飾則邵由縣令爲郡守也其判官王質知吳縣事馮九成范氏失載可補方志之闕

涇州回山王母宮頌

天聖二年三月十五日

右碑在涇陽縣王母祠上官必篆書泐缺卅九字祠中

別有咸平元年芻英行書碑其文全同可以校補回山
漢書武紀元封四年通回中道疑卽其地碑撰于開寶
元年至此閱五十七年重書者再蓋陶穀此文爲名流
愛重如此篆法安穩遠出郭忠恕芻英之上惟書杲譟
爲噪韶爲韶韻爲頽根爲帳邈爲遙昆侖爲崑崙皆軼
出說文外書家固所不拘碑末題荔非總刊廣韻羌複
姓有荔非氏今罕見此姓矣碑陰上官倬題記外有宋
人題名十種金明人題名各一種柳泉砦主傅信柳卽
柳字宋地理志柳泉領朶耳城一砦屬原州其戊辰三
月王說等題名蓋元祐三年也庚寅六月任獻民題名
蓋大觀四年也

金木合不與矣
三
浯溪王仁壽題名

皇祐三年十一月

右題名借至爲日借曜爲壽皆取聲近

左山寶乘塔碑

至和二年十一月二十一日

右碑錢明逸撰明逸吳越王鏐五世孫宋史附惟演傳
碑首行題曹州左山興化禪院重修寶乘塔碑銘左山
命名未知始何時曹州志興化禪院在州南五十里左
山上一統志在荷澤縣南五十里又言左山在曹縣西
北五十里引舊志卽陶丘之別阜與曹州及定陶接界
相傳左丘明父葬此又言墓前有祠宋盛琳撰碑今祠
與碑皆失錢達道登左山記引邑乘春秋左太史瘞骨
此山左山者因左太史而名則又與統志異按左山南

卽舊州治元和志州理中城蓋古之陶丘也一名左城
寰宇記左城亦名之曰葬城蓋恭王之陵寢是左山卽
陶丘其墓乃定陶恭王非左丘明父禹貢導沅水東出
于陶丘北或因陶丘在沅水左故稱左山也然未敢定
碑云諭守臣資政殿學士任中師中師曹州人宋史與
其兄中正皆有傳中正嘗通判濮州濮曹鄰也中師亦
上書言臣老矣家本曹人願得守曹遂以知曹州蓋自
漢至宋得爲本州守牧近始回避方志名宦但載任中
正而中師失載碑末署名有推官辛叔清等七人竝失
載又錢明逸知曹州而方志作知濟陰縣微石刻何由
正其譌漏哉

三教碑

金本全不異名曰
嘉祐五年四月一日

右碑在鄒縣西南五十里地名石里其廟有隋開皇六年石裏村造橋碑則村甚古矣所刻爲大悲經呪而題三教又書庚作庚寅作寅鄙謬可哂惟稱安平鄉石裏村修方志者當有取焉

二體石經周易尙書殘碑

嘉祐六年

嘉祐二體石經今但存易書各一石嘉慶七年又得禮記一石皆在開封府學畢秋帆撫豫時僅得陳留周禮訪問府學石經學官言修學時用作瓴甌然近年屢見易書拓本則碑實未毀至黃玉圃所見易碑多出升困井革鼎五卦書碑多出康王之誥酒誥殘字今不得復

見矣攷嘉祐刻石當有易書詩周禮禮記春秋孝經論語周密癸辛雜識謂汴學九經石版堆積如山則多出一經中興館閣書目石經七十五卷有易書詩禮記春秋無周禮孝經論語玉海云至和元年八月十六日己酉命皇姪右屯衛大將軍克繼書國子監石經以上所寫石經論語求書石國子監帝欲旌勸宗室特從其請二年九月十五日功畢上之賜銀幣又云仁宗命國子監取易詩書周禮禮記春秋孝經爲篆隸二體刻石兩楹至和二年三月五日判國子監王洙言國子監刊立石經至今一十五年止孝經刊畢尙書論語見書鐫未就乞促近限畢工餘經權罷從之嘉祐三年五月十五

日王洙薦大理丞楊南仲石經有勞賜出身六年二月
一日乙卯朔國子監言草澤章友直篆石經畢詔補試
將作監主簿友直不願仕賜以銀絹五月以同篆石經
殿中丞張次立與堂除是篆者爲楊南仲章友直張次
立三人凡七經加論語尙未滿九經之數周密所言殆
非實據今所存易一石起渙卦王居无咎正位也迄繫
詞言行君子之書一石起牧誓弃厥遺王父母弟不迪
迄金縢序二石竝兩面刻字面各六橫易每橫卅四行
書卅三行黃玉圃言六排各卅六行不確金縢序在末
橫之末行其康王之誥酒誥殘字舊當別有一石玉圃
言書僅一碑亦不確篆法視周禮碑遠遜繫詞俯已察

於地理古有類俛無俯牧誓弗迓克奔迓爲十九文古借御訝爲之

二體石經周禮殘碑

嘉祐六年

二體石經周禮今但存一石在陳留縣學其碑兩面刻字面各六橫不相聯卅畢氏中州金石記謂有數石蓋爲割裱本所惑也與今本對校亦少異文司几筵設莞筵紛純唐石經作莞席按上言五席之名物故此言莞席纁席次席席蒲筵熊席下復言加莞席紛純明此非筵字通典卷七十四初學記卷廿五皆引作莞席今此及各板本與序官疏及此疏皆作莞筵蓋沿北宋人誤改也篆法甚茂密視易書禮記遠勝其書侯禳作穰假

金木卷二 碑刻
借可通惟祧藏二字軼出說文外又省韶爲韶省殺爲
叙易蹕爲蹕亦形聲比附不乖六書之正古者偏旁音
言隨作韶卽韶之省故禮器韶侑武方注韶侑或爲韶
圓芻鼎秦刻石倉頡篇竝有韶字大喪存奠奠大旅亦
如之此二句黃玉圃謂石經在凡酒修酌下今本在左
右玉几下余徧檢今本皆與石經同無在左右玉几下
者未知玉圃何所見也

二體石經禮記殘碑

嘉祐六年

二體石經禮記僅存一石舊在開封府巢門內觀音堂
中嘉慶七年張二橋孫仲琰偶至此廟見康熙間所刻
重修觀音堂記碑側甚厚疑是古碑改刻試探其背果